



HASIERAKO LANBIDE-PRESTAKUNTZARAKO PROGRAMEI BURUZKO INFORMAZIOA

Zer dira Hasierako Lanbide Prestakuntzarako Programak, eta zertarako balio dute

Gure autonomia-erkidegoan **Hasierako Lanbide Prestakuntzako Programak** izena hartu dutenek eginkizun jakin batzuk betetzeko prestatzen zaituzte, eta ,aldi berean, zure aurreko prestakuntza-etapan (DBHn) jaso duzun oinarritzko prestakuntzan sakontzen duzu, irakaskuntza arautuetan ikasten jarraitzea izan dezazun, bereziki Lanbide Heziketako Erdi Mailako Prestakuntza Zikloetan.

Hasierako Lanbide Prestakuntzako Programak lagungarriak dira bermatzeko prestakuntzak, aukerek eta emaitzek ez dutela zerikusirik izango egoera sozio-ekonomikoekin eta hezkuntza-desabantaila dakarten faktoreekin (genero-desberdintasunak, minusbaliotasunak, emigrazioa, gizarte-bazterkeria eta abar).

Hasierako Lanbide Prestakuntzako Programen helburuak honako hauek dira:

- 1.- Zure heldutasun pertsonala finkatzea, zeure burua pertsona gisa osorik garatzea izan dezazun, kultura anitzeko gizarte demokratiko batean.
2. – Oinarritzko prestakuntzaren funtsezko gaitasunetan sakontzea, ikasleei ikaskuntza iraunkor baterako aukerak eskainiz, eta arreta berezia jarriz Derrigorrezko Bigarren Hezkuntzari egotziriko mailen lorpenean. Hezkuntza-sisteman berriz sartzeko prestatzea, bereziki Lanbide Heziketako Erdi Mailako Prestakuntza Zikloetan sartzeko probaren bidez.
3. – Beharrezko lanbide-gaitasunak eskuratzea, kalitateko lan-munduratzearrazteko, bai eta, geroago, gaitasunezko lanbide-jarduna errazteko ere, betiere segurtasunezko baldintzetan.



Programa horiek eginkizun batzuetarako prestatzen dira; hauek dira eginkizun horietako batzuk:

LANBIDE-ARLOA	HLPP
NEKAZARITZA	Lorezaintza eta loradendako laguntzailea
ADMINISTRAZIOA ETA KUDEAKETA	Oinarrizko administrazio-prozesuen laguntzailea
MERKATARITZA ETA MARKETINA	Merkataritza eta biltegiko laguntzailea
ERAIKUNTZA ETA OBRA ZIBILA	<ul style="list-style-type: none"> • Igeltserotzako langilea estaldura arinetan • Eraikuntzako pintura, paper-jartze eta beste akabera batzuetarako langilea • Estaldura jarraituen langilea plaka eta igeltsu laminatuzko instalazioan
ELEKTRIZITATEA ETA ELEKTRONIKA	Instalazio elektrikoetako langilea
FABRIKAZIO MEKANIKOA	<ul style="list-style-type: none"> • Mekanizatze-langilea • Galdaragile hodilaria • Soldatzailea • Zurgintzako eta eraikuntza metalikoen muntaketarako langilea
OSTALARITZA ETA TURISMOA	<ul style="list-style-type: none"> • Sukalde-zerbitzuetako langilea • Gozogintza-okintzetako langilea
IRUDI PERTSONALA	<ul style="list-style-type: none"> • Ile-apaindegiko laguntzailea • Estetika-laguntzailea
ELIKAGAIEN INDUSTRIA	Elikagaien industrietako, harategiko eta urdaitegiko langilea
INFORMATIKA ETA KOMUNIKAZIOAK	Ekipamendu mikroinformatikoak mantentzeko langilea
INSTALAZIOAK ETA MANTENTZEA	<ul style="list-style-type: none"> • Iturgina • Hotz-teknikaria • Berokuntzako eta ur bero sanitarioko instalazioetako langilea. • Girotzeko eta aireztatzeko instalazioetako langilea
ZURA, ALTZARIAK ETA KORTXOA	Zurezko arotzeriako produktuak fabrikatzeko, muntatzeko eta haiei akabera emateko langilea
KIMIKA	Poliesterren eta beirazko zuntzen lehen eraldaketetarako langilea
EHUNGINTZA, JANTZIGINTZA ETA LARRUGINTZA	<ul style="list-style-type: none"> • Garbitegiko eta konponketetarako langilea • Moda eta etxeko ehunkietarako langilea • Altzariak tapizatze eta merkataritzarako langilea
IBILGAILUEN GARRAIOA ETA MANTENTZEA	<ul style="list-style-type: none"> • Ibilgailuak konpontzeko langilea • Karrozeriako langilea
GIZARTE ETA KULTURA ZERBITZUAK	Etxeko jardueretarako eta mendeko pertsonen oinarrizko zainketak emateko laguntzailea



Nola antolatzen dira Hasierako Lanbide Prestakuntzarako Programak?

HLPPak bi ikasturtetan egiten dira, eta, bigarrenean, praktikak egin behar dira lantokietan.

Hasierako lanbide-prestakuntzako programek honako egitura modular hau dute:

1. Derrigorrezko moduluak

- a) Berariazko moduluak: programaren curriculumean ezarriko lanbide-profilaren gaitasunak garatzeko eta eskuratzeko edukiak zehazten ditu.
- b) Prestakuntza-modulu orokorrak: berariazko moduluak aprobetxamenduz egiteko oinarriko gaitasun nahikoak garatzeko eta eskuratzeko eta erdi-mailako prestakuntza-zikloetara iristeko probara aurkezteko edukiak ezartzen dituzte.

Bi eremutan banatuko dira:

Komunikazio- eta gizarte-arloa. Hona hemen moduluak: Euskal hizkuntza eta literatura, Gaztelania eta literatura, Gizarte-zientzia eta Herritartasunerako hezkuntza.

Zientzia- eta teknologia-arloa. Hona hemen moduluak: Matematika, Teknologia eta Natura-zientziak.

- c) Orientazio eta Tutoretzako moduluak: edukiak eta jarduerak zehazten ditu, ikasleen beharrian eta igurikapenen arreta pertsonalizatua ahalbidetzeko eta tutore-ekintza indartzeko helburuz.

2. Borondatezko moduluak

Derrigorrezko Bigarren Hezkuntzan graduatuaren titulua lortzera daramaten edukiak ezarriko ditu; eduki horiek, hain zuzen ere, ikasleen berreskolatzea laguntzeko eginkizuna dute, prestakuntza prozesua jarrai dezaten hezkuntza-sistemaren barruan.

Modulu horien curriculumak erreferentziatzen izango du Hezkuntza, Unibertsitate eta Ikerketa Sailak Helduen Hezkuntzarako garatzen dituen prestakuntza-ekintzen inguruan ezartzen duena, Derrigorrezko Bigarren Hezkuntzan graduatuaren titulua lortzeari dagozkion ekintzak, hain zuzen ere.



Hiru eremuren inguruan antolatuko dira: komunikazio-eremua, eremu soziala eta eremu zientifiko-teknologikoa.

Dedikazio-orduak:

Hasierako Lanbide Prestakuntzako Programak bi ikasturtetan zehar garatuko dira. Ikasturteetako bakoitzak 1.050 orduko iraupena izango du, eta asteko ikastaldia, berriz, 30 ikastordukoa izango da. Lantokiko Bertako Prestakuntza modulua salbuespen da, 35 ordurainoko asteko iraupena eduki ahal izango baitu.